


Nationaalpark Nedersassens Wattensee



De Wahrbereichs van de Nationaalpark

De Nationaalpark „Nedersassen Wattensee“ is in dree verscheden Wahrbereichs indeelt.

Rüstbereich
De Rüstbereich umfaat de Delen van de Landskupp in de Nationaalpark, de an 't fiensten un nausten bünt un dürt blot up de uttekend Paden betreden worden. Hier gellen de scharpste Regels.

Tüskenbereich
Hier gellen dörgahns desülvig Regels as in de Rüstbereich. Se dürt aber freei betreden worden, mit Utnahm van de Hellers in de Bröddttied van de 1. April bit to de 31. Juli.

Verhalensbereich
Dat sünd meest Baadstrannen, de för dat Verhalen van de Minsk in en natüurnah Umgeven daar sünd.

Hülp mit de Se sük in de Nationaalpark torechtfinnen

In de Foltbladen van de Region un up de Informationstafels van de Nationaalparkverwalten giff dat Oversichtskaarten over de Bereck, in de Se sük nettakkraat uphollen. Schiller geven Hör Henwies up besünner Regels un ok over de Soort van de Wahrbereich, in de Se dann bünt. De tolaten Wegen bünt in de Landskupp sülvst mit bunt Pahlen De tolaten Wegen bünt in de Landskupp sülvst kenntekend: Pfählen versehen:

- Wannerpaden grün
- Riederpaden rood



Up de Eilannen bünt de tolaten Wegen over de Dünen dör groot „Dünenkrüzen“ utwesen.

In de Rüst- un in de Tüskenbereich is 't all verboden, wat de Nationaalpark of enkelten van sien Delen vernelen, toschanmaken of verannern deit.

- De Rüst van de Natüür dürt neet dör Gedrüs, Schandaal of anner Ruusje stöört worden.
- Umdat de hier levend Deren neet ut hör Ruh brocht worden, düren se neet in hör Levens- un Bröddrümten upsöcht, filmt of oflücht worden.
- Hunnen düren blot an de Lien mitnohmen worden.
- Draken un Modellflegers düren hier neet uplaten worden.
- Dat Kitesurfen of Buggykiten is in de Tüsken- un de Rüstbereich verboden. Fragen Se na, an welke Steden dat mögelk is.

Neet blot för dat Verhalen, ok för anner Nütt (Landweertschupp, Fiskeree, Jaggt, Sportbooten u.a.) giff 't to dat Wahren van de Natüür in de Rüst- un in de Tüskenbereich besünner Regels.

Dat Betreden van de Rüstbereich

De Rüstbereich dürt dat hele Jahr blot up de utwesen un uttekend Wegen, Paden un Placken betreden worden, t. B. um to Keiern un to Wannern, to Radfahren, Rieden un för Kuutsfahrten. Daarmit hebben Se genoeg Mögelkeiten, de Natüür to geneten sünner to stören. Man achten se ok up besünner Regels, de blot in bestimmte Tieden of an bestimmte Steden gellen. Se worden dör Schiller anwesen.

Dat Betreden van de Tüskenbereich

In de Tüskenbereich düren Se ok buten de Wegen lopen. Utnahmen gellen för de Hellers un Saltmeedjes, de in de Tied van dat Bröden un Uptrecken van Jungvögels van de 1. April hento de 31. Juli blot up tolaten Wegen betreden worden düren. Wi bidden, ok daarup acht to geven, dat dat Rieden, Radwannern un Kuutsfahren blot up kenntekend Paden stattfinnen deit. Dat Sport- un dat Freitiedsfisken is in de Tüskenbereich mit Utnahm van de Hellers un Saltmeedjes in de Bröddttied overall tolaten. Schuuldünen (Küstenschuull!)

in de Tüskenbereich düren dat hele Jahr blot up de kennteken Paden betreden worden.

Dat Betreden van de Verhalensbereich

De Verhalensbereich is för Verhalen, Freeitied un Kur utwesen. In disse Part van de Nationaalpark düren in 't Geheel sehn all Belangen dörföhr worden, sünner de en Ferjentied an de Noordsee neet to denken weer: (Sünnen)Baden, Rieden, Angeln, Sammeln van Mussels un de verscheden Sportaarden an d' Strand. Neet tolaten sünd Campingtelten un Wohnwagens, Veranstaltens, de vööl Lawai mit sük brengen un Motor-Freeitiedfahrtügen (t. B. Strandbuggies). Fragen Se ok na besünner Regels bi Hör Gemeent- of Kurverwalten! Dit gellt besünners för Hundstrannen un Drakenflaggen.

Um de wildelevend Deren to wahren, achten Se bitte d'rup, dat Se Hör Sport- un Freeitiedsspillen so ofhollen, dat Se de Rüst- un Tüskenbereich in de Naberskupp neet mit inbetrecken.



Fürtoorn Arngast in de Jaadbuggt



De Seehun is dat woll bekannst Söögdeert, dat inn Wattenmeer leevt